



Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs
Tractatus de Prædestinatione, de Trinitate, de Angelis, & de homine

Gonet, Jean-Baptiste

Coloniæ Agrippinæ, 1671

Art. II. An ens substantivè accptum, pluraliter dicatur in Divinis?

[urn:nbn:de:hbz:466:1-77146](#)

DE VNITATE ET PLVRALIT. IN DIVINIS.

223

ritum Sanctum, esse nam quandam summam rem, quae est essentia: nam per hoc non negatur esse tres res relativas.

Sequitur octavò, dari in Divinis tres unitates, & unam unitatem: primum ratione relationum, secundum ratione essentiae.

Probatur primò: In Divinis datur unitas essentiae, pluralitasque personarum: At pluralitas personarum sine distinctione unitatum salvari non potest: Ergo dantur plures unitates relativæ, & una unitas absoluta.

Probatur secundò: Unitas in realitate indivisa conflitit: At & realitas & individuus convenienter ex personis divinis, ne dum ratione essentiae, sed etiam ratione relationis: Ergo unitas ratione utriusque convenit.

Sequitur ultimò, tres personas divinas propriè logendo non posse dici tria individua. Nam D. Thomas quartus precedentis art. 4. in corp. hoc dictum constituit inter ly aliquis homo, & ly persona, quod primum significat de formalis natura, alterum vero de personalitate: Sed natura non multiplicatur in Divinis: Ergo nec individuum, & consequenter hæc propositio concedenda est: Tres persone divinae sunt tria individua.

Dices: Individuum est individuum in se, & divisa à quilibet alio, ut docet Philosophi in Metaphysica: sed tres persona divinae sunt tres res, quarum quilibet est individua in se, & divisa à quilibet alio: Ergo sunt tria individua.

Respondeo distinguendo Majorem: Individuum est individuum in se, & divisum à quilibet alio, divisione naturæ concedo Majorem: divisione solum personali, nego Majorem; & sub eadem distinctione Minoris, nego Consequen-
tiam.

ARTICVLVS II.

In ens substantiæ acceptum, pluraliter dicatur in Divinis?

¶ Artrem affirmativam tenent Suarez, Vazquez, Molina, Ruiz, & alij, relati à Salmanticensibus q. 10. dub. 7. & ex nostris Gonzales & Joannes i. S. Thoma.

Fundamentum illorum est primum, quia ens transcendent, relationes & essentiam, non minùs quam res: Sed quia res essentiam & relationes transcendent in eum singulariter, sed etiam pluraliter dicitur in Divinis, ut ex D. Thoma iam vidi-
mus: Ergo & ens.

Secundo, Et si ens ab essentia fuerit ad significandum impositum, non tamen illam de formalis significat, sed entitatem: At esto admittatur una solum essentia in Divinis, dantur tamen plures unitates relativæ, sicut & plures realitates: Ergo etiam dantur plura entia substantiæ.

Partem negativam docent alii, quos referunt & sequuntur Salmantenses loco citato, ducti pri-
mo auctoritate D. Thome in r. dist. 25. quæst. 1.
art. 4. ubi sic ait: *Nomen entis sumitur ab esse rei,*
& idem cum enim & idem sit esse trium personarum
si in sumatur substantiæ, non potest pluraliter
predicari de tribus personis, quia forma à qua im-
putatur esse, non pluraliter in eis: si autem
sumatur participialiter & adiectivè, sic pluraliter
predicari potest. Quod etiam repetit solutione
ad. & ad Annibaldum ibidem.

A Secundò hac ratione ejusdem Divi Thomæ: Nomen substantivum accipit numerum à forma significata: At forma significata per hoc nomen, *ens*, non multiplicatur in personis divinis: Ergo nomen *ens*, substantivè sumptum, non dicitur pluraliter de personis divinis. Major est certa, Minor probatur. Forma significata per hoc nomen, *ens*, est existentia: tum quia id docet D. Thomas loco citato; tum etiam, quia cum significato hujus nominis, *ens*, omnes illius passiones debent converti, & solum cum ente existente convertuntur: Sed existentia non multiplicatur in personis divinis, ut dilputatione precedenti fuisse ostendimus: Ergo forma significata per hoc nomen, *ens*, non multiplicatur in personis divinis.

B Tertiò eandem partem negativam sic probant: Esto admittatur *ens* non significare de formalis existentiam, tamen formale significatum illius non est entitas utcumque, sed prout est principium existendi: At entitas, prout sic, non pluralificatur in personis: Ergo nec formale significatum entis substantivæ accepti in illis multiplicatur.

C Pro hac lice componenda, diligenter observandum est, *ens* nominaliter tribus modis posse sumi. Primum sumitur ut est concretum existentia. Secundò, ut est concretum solum essentia, quatenus est principium existendi. Tertiò, ut est concretum entitatis, quatenus opponitur nihilo. De prima & secunda acceptione non potest esse dubium: utramque enim efficaciter probant argumenta secundæ sententia. Solum potest esse difficultas de tertia; unde illa probatur primò: Omni abstracto potest dari concretum: At entitas, ut nihilo opponitur, abstractum est, cui nullum aliud concretum assignabile est quam *ens*: Ergo *ens* potest accipi ut concretum entitatis opposita nihilo.

D Secundò probatur hæc tertia accep̄tio entis nominaliter: Mathematica, prout sub sunt abstractione à materia sensibili & singulare, sunt verè entia; cùm pertinere ad prædicamentum quantitatis, quæ est solum ex inferioribus entis, & tamen prout sic, nec existunt, nec dicunt ordinem ad existentiam, ut docetur in Metaphysica: Ergo *ens* nominaliter non solum sumi potest ut est concretum existentia, vel essentia dicentis ordinem ad existentiam, sed etiam, ut est concretum entitatis, ut opponitur nihilo.

E Probatur tertio: Materia & forma sunt duo entia realiter partialiter distincta: At si *ens* solum posset accipi ut concretum existentia, vel solum essentia, ut est principium existendi, non posse dicitur entia partialia; cùm in vera Thomistaru[m] sententia, nec existentia partialibus gaudient, nec diversis essentiis, prout essentia est principium existendi: Ergo potest sumi ut concretum entitatis opposita nihilo. Hoc ita supposito, & probato, facilis erit resolutio difficultatis propositæ. Unde.

Dico primum: *Ens* quatenus concretum existentia, & essentia, prout est principium existendi non prædicatur pluraliter de divinis personis.

Hanc conclusionem probant fundamenta pro secunda sententia adducta. Non enim substantivum accipit numerum à forma significata: Sed forma significata hoc nomine, *ens*, prout est concretum existentia, vel essentia, quatenus est existendi principium, non multiplicatur in personis divinis; cùm in illis sit unica tantum existentia, &

16.

17.

18.

19.

DISPV TATIO SEXTA

224

unica essentia, quatenus est existendi principium: Ergo hoc nomen, *ens*, quatenus est concretum existentiae, vel essentiae, prout est existendi principium, non praedicatur pluraliter de divinis personis.

20 Dico secundò: *Ens* ut est concretum entitatis, quatenus opponitur nihilo, pluraliter dicitur de personis divinis.

Hac conclusio probatur ex principio opposito. Entitas enim, ut precise opposita nihilo, plurificatur in personis: Tum quia sic sumpta non est minus transcendens, quam realitas; haec autem quia transcendens est, pluraliter dicitur; Tum etiam, quia persona realiter entitativè distinguuntur: sicut autem distinctio realis non stat sine distinctione realitatis, ita distinctio realis entitativæ sine distinctione entitatum nequit subsistere: Ergo *ens*, prout concretum entitatis opposita nihilo, pluraliter dicitur de personis divinis.

21 Ex quibus patet solutio ad fundamentum primæ sententiae: illud enim solum probat *ens* prout est concretum entitatis, quatenus opponitur nihilo, pluraliter dici de personis divinis, quia illud relationes & essentiam non minus transcendit, quam res: unde secundam conclusionem statuit, primam tamen non attingit.

Ad fundamentum vero secundæ sententiae dicendum est, quod quamvis nomen entis sunatur ab esse rei, non tamen solum significat entitatem ut existentem, vel essentiam quaterius est existendi principium, sed etiam entitatem quatenus opponitur nihilo: quia (ut docent Philosophi) aliud est id à quo nomen imponitur, & aliud id ad quod significandum imponitur. Unde, ut supra dicebamus, licet mathematica, quæ talia, nec existant, nec dicant ordinem ad existentiam, tamen sunt vere entia realia. Item materia prima est entitas distincta à forma, quamvis in sententia Thomistarum, eadem cum illa existentiæ gaudet, nec dicat ordinem ad existentiam, nisi mediante formâ quam recipit. Ita pariter, licet divina relations eandem cum divina essentia existentiæ habeant, nec existant per existentias relatives sibi proprias, possunt tamen dici tria entia, non quidem simpliciter & absolute, quia *ens* absolute & simpliciter dicitur solum de entitate ut existente, vel prout est existendi principium, sed cum addito, nempe ratione entia relativa aut personalia.

Quæ res primo, an veritas realiter multiplicetur in personis divinis?

Respondeo non multiplicar, Ita D. Thomas in 1. diff. 19. quæst. 5. art. 3. ad 1. & ad Annibal. ibidem quæst. 5. art. 2. ad 6 ubi docet quod licet res, que est communis absolute & relativè, multiplicetur in Divinis, & ab aeterno fuerint plures res, quia fuerunt plures personæ; tamen ab aeterno non fuerunt plura vera, quia verum est essentiale. Quibus verbis rationem fundamentalē hujus reponsionis insinuat: Illa enim quæ conveniunt personis divinis, ratione essentia tantum, & non ratione relationum, non multiplicantur in illis: Sed veritas personis divinis, ratione essentia, non verò ratione relationum, covenit: Ergo non multiplicatur in illis. Minor probatur: Veritas trancendentialis consistit in entitate ut intelligibili, sicut docetur in Metaphysica: Sed intelligibilitas divinis personis consuppet ratione essentia, eo quod in Divinis sola essentia habeat rationem peculiař intelligibilis, & objecti motivi, respectu fui, attributorum, & relationum, ut in Tractatu de attributis ostensum est: Ergo & veritas.

Diff.
2. art. 5.
Par. 2.

A Confirmatur: Veritas super immaterialitatem fundatur, sicut & cognoscibilitas, ut docet D. Thomas supra quæst. 14. art 1. At immaterialitas divinarum personarum est tenuum una: Ergo & veritas. Probatur Minor: Immortalitas divina idem est omnis potentialitatis exclusio, in qua exclusione ratio actus puri conficit: Sed ratio actus puri non multiplicatur in personis divinis, ut ex supra dictis patet: Ergo nec immaterialitas.

Dices: Hæc veritas, *Pater generat*, est distincta ab ista, *Spiritus Sanctus à Patre & Filio procedit*; cum prædicatum & subjectum unius distinguitur ab extremis alterius: Ergo veritas pluraliter dicitur in Divinis.

Respondeo veritates illas esse distinctas materialiter, non autem formaliter: quia licet prædicatum & subjectum unius distincta sint ab extremis alterius, tamen in eadem omnino immaterialitate convenientiunt: Veritas autem (ut supra dicebamus) est affectio entitatis ut immaterialis. Sic ergo, licet haec duas conclusiones: *Ens* nihil est materialiter & formâ. Prædictum est unum expicipiū ad generationem requisitus: materialiter & in effectis differentia specie, non tamen formaliter & in esse scibili; qui substantia eidem abstractione à materia singulari, & lumini corundem principiorum, ut explicare solent nostri Thomistæ, quando agunt de unitate specifica scientiarum ita etiam quamvis istæ veritates: *Filius à Patre generatur. Spiritus Sanctus à Patre, Filiique procedit*, sint materialiter diverse, non tamen formaliter, quia in eadem immaterialitate & actualitate convenientiunt. Unde Divus Thomas quæst. ad deuter. art. 5. ad 18. ait: *Omnium istorum immaterialium: Patrem esse, vel generare: Filium esse, vel genitum esse. secundum quod ad rem referuntur, si veritas una, que est veritas prima & eterna.*

Quæ res secundò: An hoc prædicatum aliquip plurificetur in Divinis?

Respondeo negative: nam aliquid idem est quod, aliud quid in Divinis autem, licet sit aliud & aliud, non tamen aliud & aliud, ut patet ex dictis articulo sequenti.

ARTICVLVS III.

*Quibus nominibus, ad declarandam in divinis unitatem in essentia, & distinctionem in personis, utendum sit?

REcte ait Augustinus Philosophi liberamente, quibus voluerint uti verbis: Theologis, rō, dum agunt de sacro Trinitatis mysterio, ad certam regulam loqui esse pernecessarium. Quia in hoc præcipue mysterio (inquit Hieronymus) ex verbis inordinatè prolatis incurritur haresis. Quare D. Thomas in hac questione exinde explicat, quibus nominibus in mysterio Trinitatis utendum sit ad errores Hereticorum deviatorum, & ad declarandam unitatem seu consubstantiam etatem divinarum personarum, & illarum pluralitatem & distinctionem. Quod etiam breviter in hoc articulo præstandum est.

Dico ergo primo: in Divinis utendum esse nomine Trinitatis, non tripliciter; Deumque trinum, non triplicem esse appellandum. Ita D. Thomas hic art. 1. in corp. & in solutione ad.

Probatur primo ex Concilio Tolerano n. ii confessione fidei, ubi dicitur: *Deus non tripliciter, sed Trinitas & dicitur credere debet. Idem docebat Augustinus*